

欽定大清會典圖

欽定大清會典圖卷二百十一


輿地七十三


慶陽府圖

甯夏府圖

西甯府圖

慶陽府圖





慶陽府在省治東一千八十里至


京師二千五百里。領州一。縣四。治安化。東合水。東南甯州。正甯。西北環縣。涇水自涇州緣界東南流。經甯州西南。茹水河亦自其州來合冉家河。南流注之。南岸為陝西邠州長武縣界。又東經州南會馬蓮河。河二源。並出府西北鐵邊山。合南流為鐵邊河。東河白沙溝西南流來會。至柔遠城西。右納一水。左納柔遠川水。又西南。右納靈溝水。及左右各一小水。經府治南會環河。河出環縣西北。合響石溝蘆草溝耿家河大安溝。


大中溝紅土溝東溝西城溝子房川鴛鴦溝安  
寨川青泥溝合道川倒座水野狐溝馬嶺溝楊  
集溝及一小水來會。又東南經合水縣西南。合  
水古曰烏雞水亦曰建水。出縣東北子午嶺。合  
北川水瓦罐川水西南流注之。又南經甯州西  
北。故城河出合水縣東南。西南流注之。珊瑚溝  
合董志原溝水東流注之。又經州治西。大延川  
合白羊水會小延川西南流經治北來注之。九  
龍河合一水西流經治南來注之。又南羅水出  
正甯縣東北雕翎堡山。合馬造溝及一水西南

流注之。又南入陝西邠州界。荔原川出府治東。南流折東經合水縣東。北合平戎川為華池水。入陝西邠州界。玉梅川出合水縣東北。苗村溝合廝波水出縣東南並東流出界注之。子午山在府治東北。府東至南界陝西邠州。西界固原州。北界靈夏府。東北界陝西延安府。西北界固原州。西南界涇州。



甯夏府圖





甯夏府在省治東北一千一百四十里至


京師四千三十五里。領廳一州一縣四治。甯夏甯朔東南靈州西南甯靈廳中衛東北平羅黃河自蘭州府清遠縣東流入界。經中衛縣西南右納一小水。又東北支渠左出為美利渠。為太平渠。右出為羚羊角渠。經縣東南右出為羚羊店渠。又東復合諸渠。經縣東左出為永興渠。為勝水渠。右出為羚羊夾渠。清水河自固原州來西北流注之。又東折北右出為七星渠。左出為順水渠。為豐樂渠。經青銅峽北合諸渠。東岸為甯

靈廳西境。右出為漢渠。為秦渠。山水河即滂河。自靈州東南合一水北流。錯經固原州平遠縣界。復北流來會。復夾州治而北。注於河。黃河西岸自青銅峽北。經府治甯朔縣南。左出為唐徕渠。為大清渠。為漢延渠。為惠農渠。並東北流。合諸湖水。經府治甯夏縣東。至平羅縣東北。與昌潤渠並東北。注於河。黃河又北入鄂爾多斯右翼中旗界。下爛柴溝。在甯靈廳東南。鹽池在靈州東南。有南北中三池。諸小水匯焉。池之東為鹹池。又東北曰荀池。賀蘭山在府治西。與蒙古


接界。府東界內蒙古鄂爾多斯右翼中旗。西至  
北界內蒙古阿拉善額魯特旗。南界固原州。東  
南界慶陽府陝西延安府。西南界蘭州府。

西甯府圖一

中









西甯府圖二

南





西甯府在省治西北六百二十里。至

京師四千六百二十四里。領廳四。縣三。治西甯。東南  
碾伯巴燕戎格廳。循化廳。西南貴德廳。西北丹  
噶爾廳。大通。黃河自青海西北流經貴德廳西  
南界。受哈克圖河。河出貴德廳西南依克圖爾  
根山。北流。圖爾根河西流注之。又西北。石渾河  
出廳南山。左合一水曰忙拉河。西流注之。又西  
北注於河。黃河又東北。石爾廓爾河左合一小  
水北流注之。入界經府治西南及廳西北。烏蘭  
河出廳南山。右合二小水北流經廳西來注之。

又東右納暖泉河郭納泉水。又經廳治北而東。龍池河出廳東南山。合龍王池水及三岔河支津北流注之。又東左納一小水。折東南經廳東。及巴燕戎格廳西。左右各納四小水。又東南右納三岔河。又東南經循化廳西。受保安大河。河出廳西南山。合隆武河東北流。思占水河二源出廳西南山。合北流來注之。又東北。清水河出貴德廳南山。南流折東北曰古隆河來會。又北注於河。黃河又東經巴燕戎格廳南。循化廳北。巴燕戎格河合數小水南流注之。中庫泉撒茂

泉隆只里泉合北流注之。又東夕麻泉右合一小水為起台溝。西北流注之。又東左納一小水。又東經碾伯縣東南。左納杏爾溝水。經積石關。入蘭州府河州界。湟河即西甯河。自青海東流入界。經丹噶爾廳西。右納拉拉河樂水河。又東經廳治南。至府城北。南川河即古龍駒川。東北流注之。北川河即古長甯川。自青海來經大通縣北。右合沙庫克河。左合東峽河。東南流注之。又東左納威遠堡河。又左右各出數支渠。左為紅巖溝。上水磨溝。弩木溝。右為巴掌溝。高店子。

溝馬哈喇溝。經碾伯縣治。又東。左為勝番溝。羊官溝。卯寨溝。下水磨溝。右為岡堆溝。雙塔溝。虎狼溝。普化寺溝。米拉溝。巴州溝。又東。大通河來會。河自青海東流入界。經大通縣西北。左納亂海子。老虎溝河。又東。經縣北。又東南。左納玉隆溝水。又東。錯入涼州府界。復經碾伯縣東。與湟河會。湟河又東南。為下川口溝。又東。入蘭州府皋蘭縣及涼州府平番縣界。大夏河自青海北流入界。經循化廳東南。右納南來二水。折東南。流入蘭州府河州界。大雪山在大通縣北。小



積石山在西甯縣東南府東至北界涼州府西  
至南界青海東南界蘭州府

欽定大清會典圖卷二百十二

興地七十四


涼州府圖


甘州府圖

化平川廳圖

涼州府圖一


中






涼州府圖二

南







涼州府在省治西北五百六十里至


京師四千五百六十里。領廳一縣五。治武威。東北鎮番。東南古浪。平番。莊浪。廳西北永昌。大通河。自西甯府西甯縣東南流入界。經平番縣西。又東南會湟河。湟河又東南入蘭州府河州界。莊浪河出平番縣西北山。二源合。東南流經鎮羌營南。又東南右出為岔口渠。武勝堡渠。又南經治西右。納大沙溝水。又南入蘭州府河州界。古浪河出古浪縣南烏梢嶺。東北流合火燒溝。石門峽河。響水河。古羌河。經縣治東。又東北流出。


界。緒於白海。沙河即郭河。匯府南境。天山以北。諸渠水。東北流。經蔡旗堡。至鎮番縣南。左納北新溝水。出邊。經槍杆嶺北。左分四支渠。又東折。北流出界。緒於魚海。金塔寺渠出天梯山北。流經南把截口。至金塔寺堡。分流夾府治而北。合北流。會於沙河。雜木河出卯藏山。東北流。歧為二。右曰雜木渠。左曰大七渠。經府治東南。又東北流。緒為黑木林湖。又東北。亦會於沙河。沙溝水自沙溝東北流。黃羊渠自張義堡東北流。經府治東南。雙塔堡東北。合流。亦會於沙河。永昌

渠懷安渠同出府治南白嶺山西北流經西把  
截口歧為二並東北流右支經永昌堡為永昌  
渠左支經懷安驛為懷安渠合東北流亦會於  
沙河又一水出永昌縣東南北流至炭山歧為  
二並東流南支曰炭山河注懷安渠北支東流  
會於沙河水磨川出縣西南鸞鳥山合三小水  
西北流經縣西折東北經甯遠堡西又北流出  
界豬於昌甯海祁連山即天山在府南境亦不  
刺山在鎮番縣北境府東至北界內蒙古阿拉  
善額魯特旗西及西北界甘州府南及西南界

西甯府。東南界蘭州府。

甘  
州  
府  
圖





甘州府在省治西北一千四十里至


京師五千四十四里。領廳一縣二。治張掖。東南山丹。西北撫彝廳。黑河二源。一曰山丹河。一曰張掖河。山丹河出山丹縣西南祁連山。北流經永固營。折西北左出為童子渠。又北五泉出縣西南山。合西北流注之。又北至縣治南曰山丹河。寺溝泉水出縣西南山。合二水來注之。又西北支津左出西南流。潴為湖。又西經府治張掖縣東。東樂城北。又西北受九龍江水。水出縣東南山曰洪水河。曲折西北流。左受一小水。又西北



蘇油河出縣南山合大都口小都口二水北流  
注之又北大陽化渠小陽化渠並出縣南野牛  
山合東北流注之又北左納大滿渠小滿渠水  
又北曰九龍江注山丹河山丹河又西北經府  
治北左通張掖河支渠又西北右出為有本渠  
又西北與張掖河會張掖河出縣西南曲折北  
流支渠歧出左為西洞渠巴吉渠漚波渠敬依  
渠右為木龍堪渠馬子渠古浪渠大滿渠小滿  
渠盈科渠大官渠加官渠城北渠張掖河又曲  
折而北與山丹河會是為黑河左受二小水右

合有本渠又西北右出一支渠並西北流復合  
又西受沙河水水出縣西山東北流曰響山河  
左右各出數支渠又屈北流注黑河黑河又西  
北經撫彝廳北右出支渠九左受三清渠水水  
首受沙河水東流經撫彝廳南南出一小渠折  
北西出五小渠又北注黑河黑河又西北入肅  
州高臺縣界祁連山在府南合黎山在府西北  
府東至北界內蒙古阿拉善額魯特旗西至南  
界青海東南界涼州府

化平川廳圖



[illegible]

化平川廳在省治東南七百四十九里至

京師三千二百五十五里。涇河南源出廳西南大  
關山麓老龍潭。東北流經白巖河鎮北。又東折  
北。聖女川水。龍江峽河並出廳西南大關山東  
麓。東流來會。又東北入平涼府平涼縣界。濫泥  
河出廳西北分水嶺。東流經廳治北。暖水河亦  
出廳西北。曲折東流。並入平涼縣界。大關山即  
隴山。在廳西南。廳東至西南界平涼府北。及西  
北界固原州。

欽定大清會典圖卷二百十三

輿地七十五

涇州圖

階州圖


秦州圖


涇

州

圖







涇州在省治東南九百五十九里至

京師三千四十五里。領縣三。東南靈臺。西崇信。西北鎮原。涇河自平涼府平涼縣合潘陰澗水入界。經治西北。南流。潘陽澗水出鎮原縣西南。東南流注之。又東南經治北。汧河自平涼府華亭縣來。東北流經崇信縣治北。而東合二小水來會。又東流。洪河即後川河。自固原州來。東南流經鎮原縣南。合數小水來注之。又經長武舊城。而東會茹水河。河自固原州入界。合三小水。東南流經鎮原縣治南。又東南交口河亦自固原


州來。左右合四小水東南流注之。又東南蒲河亦自固原州來。合其州之石版河及慶陽府安化縣之黑河注之。又東南左納冉家河與涇河會。涇河又東南入陝西邠州長武縣界。盤口河一曰黑河。自平涼府華亭縣東流入界。經崇信縣西南。左納柳家河。又經縣南而東。右納槐樹溝水。又東經州治東南靈臺縣北。亦入長武縣界。達溪河自崇信縣西南東流。經靈臺縣西。又東南右納羅家川。姐己河尹家溝及一水左納小建河及二小水。經縣南東南流。左納一小水。


右納蒲水河史家河又東亦入長武縣界州東  
至北俱界慶陽府南及西南界陝西鳳翔府西  
界平涼府東南界陝西邠州西北界固原州

階

州

圖







階州在省治東南一千一百五十里至

京師三千九百四十里。領縣二。東北成縣。西南文縣。白水江亦曰墊江水。自鞏昌府洮州廳屬番地東流入界。經州西北。石納一小水。左納自黑峪寺南流一小水。又東南經西固堡南至兩河口。岷江即白龍江。自岷州南流來會。又東南左納角弓峪河及一小水。又東南經州治西南北峪河出州北合南坪溝水。曲南流注之。又經州治南折南流。福津溝水即紫水出州東南西流注之。又南至文縣東。洋湯河即五渡水出縣北。

天池合數小水東南流注之。又南流至縣東南受文縣河。河即清江上承四川松潘廳察岡公河東南流入界。經文縣西合東川水東南流。左納馬連河。右納白馬峪河。經縣治南。又東南右納上丹鄉河。丹堡河多石溝合流水。又東南注白水江。白水江又東南右納石磨河。又經碧玉鎮而東。受羅塘河。河出州東南。合馬家河東南流。五福河合一小水來會。又東南歧為二。曰小盤峪河。大盤峪河。並注白水江。白水江又東入四川保甯府昭化縣界。西漢水自秦州禮縣合。


州北于家河入界東南流經州東北大船壩合西和縣之雪水河及一水西南流平樂水出州東米倉山東北流合二小水注之。又東南右納吳家河。又經成縣西南會黑峪河。河出縣北山南流合自秦州南來之大東河。又南左出曰長峰河。又西經縣南曰大河。大南河小南河出縣西北合南流注之。又西折南經小川驛。又東南與西漢水會。西漢水又東南為犀牛江入陝西略陽縣界。州東及東北界秦州。北至西界鞏昌府。南界四川保甯府。東南界陝西漢中府。西南


界四川龍安府松潘廳

秦

州

圖





秦州在省治東南七百三十里至

京師三千七百里。領縣五。北秦安。東北清水。東南兩當。徽縣。西南禮縣。渭水自鞏昌府伏羌縣入界。東南流經州治北。又東受葫蘆河。河舊曰羅玉河。即古隴水。上承平涼府靜甯州苦水河。南流入界。陽兀川出縣西北。合三小水。東南流注之。又經縣城西而南。二水出縣東。合西流注之。又南注渭水。渭水又東南受藉水。水自鞏昌府伏羌縣東流入界。經州西。一水自居鳳山北流注之。又東二水出大南峪小南峪。合北流注。



之。又東經州治南。右納平南川水。左納三陽川水。又東注渭水。渭水又東南經州東杜棠鎮。受牛頭河。河出清水縣東北湯峪。曰湯峪川。西南流。潏河。閭家河。濁水。白沙河。合西北流注之。又西。右納集翅河。左納南道河。金水河。又西。後川河。上承長家河。貓兒河水。西南流注之。又東南。二水出州東麥積山。合西流。折北。曰永川河。來注之。又東。經三岔北。右納數小水。又東南。右納東岔河。入陝西鳳翔府寶雞縣界。西漢水出州治南。嶠冢山西流。右納小嶺水。宋家溝水。錯入。

鞏昌府西和縣界為鹽官河復西南經禮縣東永平水自縣北刑馬山南流注之又西南二水自縣西北青陽柏林二山合東南流注之又西南江口河出縣西山東南流合碧峪河來注之又南右納大潭河又南岷峩江自鞏昌府岷州來東南流左合一水右合南峪河太石河來注之又折東南于家河自階州來東北流注之又東錯入鞏昌府西和縣界復經縣東南納雪水河又東入階州界略陽川水自平涼府華亭縣入界西南流經清水縣北秦安縣東北隴城鎮

一水出縣東北石峽口合二小水西南流來會折西北左納二小水又合水洛川水入靜甯州界注於苦水河故道河自陝西漢中府鳳縣入界經兩當縣南合其縣之野羊河西南流右納紅崖河廣香河左納一小水又西經徽縣東南會永甯河河出州治南合數水東流曰駱駝川右納龍潭河折南流右納高橋河又南經洛壩山東左納湯家河又南經永甯鎮為永甯河又南注故道河故道河又西南二水出縣北夾縣城而南合於縣南曰下東河注之又西南入陝

西略陽縣界。栗河出徽縣西北，南流至縣西南，合一水為泥陽河。又西南亦入略陽縣界。大東河即黑峪河，出禮縣東南，東流合鐵嶺河入階州。成縣界。嶓冢山在州西南。州東界陝西鳳翔府。南界階州。西北至西南界鞏昌府。北及東北界平涼府。東南界陝西漢中府。